



Na osnovu člana 61. stav 2. Zakona o upravi («Službeni glasnik BiH», broj 32/02), člana 7. stav 1. Zakona o sistemu indirektnog oporezivanja u BiH («Službeni glasnik BiH», broj 44/03 i 52/04), člana 8. stav 2. Zakona o radu u institucijama BiH («Službeni glasnik BiH», broj 26/04, 7/05 i 48/05) i Odluke Broj: 01-34-8867/05 od 03.11.2005.godine, Uprava za indirektno oporezivanje BiH Banja Luka raspisuje

**JAVNI OGLAS
za prijem zaposlenika
u Upravu za indirektno oporezivanje BiH**

**Regionalni centar Sarajevo
Odsjek za poreze**

1/01 Viši saradnik u Grupi za pružanje usluga poreskim obveznicima

Opis radnih zadataka: pružanje usluga poreskim obveznicima; registracija i promjene u registru poreskih obveznika (PDV, akcize, uvoz, izvoz) i drugi poslovi koje odredi šef Grupe.

Broj izvršilaca: 1 (jedan)

1/02 Viši saradnik u Grupi za reviziju i kontrolu

Opis radnih zadataka: poslovi prikupljanja, sortiranja, evidentiranja i analiziranja rezultata izvršenih kontrola, odvojeno po organizacionim jedinicama i aspektima poslova; izrada izvještaja i informacija na osnovu izvršenih analiza i drugi poslovi koje odredi šef Grupe.

Broj izvršilaca: 1 (jedan)

1/03 Viši saradnik u Grupi za obradu poreskih prijava

Opis radnih zadataka: Poslovi kontrole i provjere poreskih prijava i drugi poslovi koje odredi šef Grupe.

Broj izvršilaca: 3 (tri)

Opšti uslovi: *Kandidat mora ispunjavati sljedeće opšte uslove:* da ima navršenih 18 godina života; da je državljanin BiH; da protiv kandidata nije pokrenut krivični postupak za koje je predviđena kazna zatvora za tri i više godina ili da mu nije izrečena zatvorska kazna za krivično djelo učinjeno s umišljajem u skladu sa krivičnim zakonima u BiH; da kandidat nije obuhvaćen odredbom člana IX. stav 1. Ustava BiH i da je fizički i psihički sposoban za obavljanje poslova.

Posebni uslovi: VŠS-VI stepen ekonomskog smjera, dvije godine radnog iskustva na poslovima inspekcijeskog nadzora, revizije, kontrole i prinudne naplate, položen ispit za rad u organima uprave (stručni upravni ispit), poznavanje rada računarom.

Prijavljivanje na oglas vrši se dostavljanjem prijave na potpuno i uredno popunjenom obrascu, koji se može pribaviti na web stranici Uprave www.uino.gov.ba ili u Središnjem uredu Uprave u Banja Luci (Odsjek za upravljanje ljudskim potencijalima) i Regionalnom centru Sarajevo (Odsjek za pružanje usluga), sa svim potrebnim dokumentima, neposredno ili putem pošte preporučeno, na **adresi: Uprava za indirektno oporezivanje BiH, «Javni oglas-viši saradnik u Odsjeku za poreze RC Sarajevo», Banja Luka Ulica Bana Lazarevića bb.**

Potrebni dokumenti: uvjerenje o državljanstvu (ne starije od 6 mjeseci); uvjerenje da se protiv kandidata ne vodi krivični postupak (ne starije od 3 mjeseca); pismene izjave kandidata da nije obuhvaćen članom IX stav 1. Ustava BiH i da u mjestu življenja ne obavlja samostalnu profesionalnu djelatnost, odnosno da nema zanatsku radnju ili vlastitu firmu, obe izjave ovjerene kod organa uprave nadležnog za ovjeru potpisa; ljekarsko uvjerenje o fizičkoj i psihičkoj sposobnosti za obavljanje poslova (ne starije od 3 mjeseca); ovjerena fotokopija diplome o stečenoj višoj stručnoj spremi (ukoliko je kandidat završio školu poslije 1992.godine izvan BiH u zemljama bivše Jugoslavije i inostranstvu, potrebno je dostaviti dokaz o izvršenoj nostrifikaciji); uvjerenje o položenom ispitu za rad u organima uprave (stručnom upravnom ispitu); uvjerenje o traženom radnom iskustvu i uvjerenje o osposobljenosti za rad računarom.

Rok za podnošenje prijave: do 28.11.2005.godine.

Napomena:

Nepotpune, neuredne i neblagovremene prijave neće se uzeti u razmatranje.